

बारह-भावना

(कविवर पण्डितश्री जयचन्द छाबड़ा)

(अनित्यभावना)

द्रव्य रूप करि सर्व थिर, परजय थिर है कौन ।
द्रव्यदृष्टि आपा लखो, परजय नय करि गौन ॥1 ॥

(अशरणभावना)

शुद्धातम अरु पंच गुरु, जग में सरनौ दोय ।
मोह-उदय जिय के वृथा, आन कल्पना होय ॥2 ॥

(संसारभावना)

पर द्रव्यन तैं प्रीति जो, है संसार अबोध ।
ताको फल गति चार में, भ्रमण कह्यो श्रुत शोध ॥3 ॥

(एकत्वभावना)

परमारथ तैं आत्मा, एक रूप ही जोय ।
मोह निमित्त विकल्प घने, तिन नासे शिव होय ॥4 ॥

(अन्यत्वभावना)

अपने-अपने सत्त्व कूँ, सर्व वस्तु विलसाय ।
ऐसे चितवै जीव तब, परतैं ममत न थाय ॥5 ॥

(अशुचिभावना)

निर्मल अपनी आत्मा, देह अपावन गेह ।
जानि भव्य निज भाव को, यासों तजो सनेह ॥6 ॥

(आस्रवभावना)

आतम केवल ज्ञानमय, निश्चय-दृष्टि निहार।
सब विभाव परिणाममय, आस्रवभाव विडार ॥7 ॥

(संवरभावना)

निजस्वरूप में लीनता, निश्चय संवर जानि।
समिति गुप्ति संजम धरम, धरै पाप की हानि ॥8 ॥

(निर्जराभावना)

संवरमय है आत्मा, पूर्व कर्म झड़ जाय।
निजस्वरूप को पाय कर, लोक शिखर ठहराय ॥9 ॥

(लोकभावना)

लोकस्वरूप विचारि कें, आतम रूप निहारि।
परमारथ व्यवहार गुणि, मिथ्याभाव निवारि ॥10 ॥

(बोधिदुर्लभभावना)

बोधि आपका भाव है, निश्चय दुर्लभ नाहिं।
भव में प्रापति कठिन है, यह व्यवहार कहाहिं ॥11 ॥

(धर्मभावना)

दर्श-ज्ञानमय चेतना, आतम धर्म बखानि।
दया-क्षमादिक रतनत्रय, यामें गर्भित जानि ॥12 ॥

